



ԲՆԱԴԱՀՊԱՆՈՒԹՅԱՆ ԵՎ ԸՆԴԵՐՔԻ ՏԵՍՉԱԿԱՆ ՄԱՐՄԻՆ

Ո Ր Ո Շ ՈՒ Մ № Գ/01-04

վարչական տույժ նշանակելու մասին

«29» հունվարի 2024 թ.

ք. Մարտունի

Բնապահպանության և ընդերքի տեսչական մարմնի Գեղարքունիքի տարածքային բաժնի (այսուհետ՝ Բաժին) պետ Արտուշ Կառլենի Ղուկասյանս, քննելով ՀՀ քաղաքացի Ռոբերտ Համբարձումի Ղազարյանի նկատմամբ հարուցված վարչական իրավախախտման վերաբերյալ գործի նյութերը՝

Պ Ա Ր Զ Ե Ց Ի՝

Հիմք ընդունելով ՀՀ շրջակա միջավայրի նախարարության «Սևան» ազգային պարկ» ՊՈԱԿ-ի հատուկ նշանակության ջոկատի աշխատակիցների կողմից 2023 թվականի հոկտեմբերի 17-ին կազմած արձանագրությունը՝ Գեղարքունիքի տարածքային բաժնի կողմից հարուցված վարչական վարույթի շրջանակներում իրականացվել է տեղազննություն, որի արդյունքում պարզվել է, որ Ռոբերտ Ղազարյանը սեփականության իրավունքով իրեն պատկանող Արտանիշ մասնաճյուղի «Արտանիշ» տեղամասի 4-րդ պահաբաժնի 28-րդ քառակուսու Բաբլոյան հանգստյան գոտու հարևանությամբ գտնվող տարածքի հարակից հողամասում իրականացրել է շինարարական աշխատանքներ, կառուցվել է 2 հատ քոթեջ, սանհանգույց և առկա է փոս՝ 5մx3մx2մ չափերի:

Ռոբերտ Ղազարյանը նշված վարույթի շրջանակներում էլեկտրոնային փոստով ուղարկել է բացատրություն այն մասին, որ տարածքները ձեռք է բերել 2007-2008 թվականներին և նշված տարածքում շինարարական աշխատանքները սկսել է դեռևս այդ թվականներին և ուղղորդվել է տվյալ ժամանակահատվածի համար գործող օրենսդրությամբ, իսկ 2023 թվականի հոկտեմբերի 17-ին «Սևան» ազգային պարկ» ՊՈԱԿ-ի աշխատակիցների կողմից կազմված արձանագրության համաձայն շինարարական աշխատանքները կատարվել են այդ պահին և դադարեցվել են նրանց պահանջով:

2024 թվականի հունվարի 25-ին Ճամբարակ համայնքի ղեկավարի կողմից ստացվել է պատասխան գրության, որտեղ նշվում է, որ ըստ Ռոբերտ Ղազարյանի բանավոր հայտարարության, շինարարական աշխատանքները կատարվել են դեռևս 2008 թվականի ընթացքում Արտանիշ համայնքի նախկին ղեկավարի շինարարական թույլտվության համաձայն, սակայն ներկայումս Արտանիշ համայնքի արխիվային փաստաթղթերը չեն հայտնաբերվել և չի պարզվել շինարարության թույլտվության առկայության փաստը:

Վարչական իրավախախտումների վերաբերյալ ՀՀ օրենսգրքի (այսուհետ՝ Օրենսգիրք) 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

Այդ տվյալները հաստատվում են հետևյալ միջոցներով՝ վարչական իրավախախտման վերաբերյալ արձանագրությամբ, վարչական պատասխանատվության ենթարկվող անձի բացատրություններով, տուժողի, վկաների ցուցմունքներով, փորձագետի եզրակացությամբ, իրենց ապացույցներով, իրեր և փաստաթղթեր վերցնելու վերաբերյալ արձանագրությամբ, ինչպես նաև այլ փաստաթղթերով:

Ռոբերտ Ղազարյանը առանց շրջակա միջավայրի վրա ազդեցության գնահատման և փորձաքննական դրական եզրակացության առկայության, հատուկ պահպանվող տարածքում 2023 թվականի հոկտեմբերի 17-ի դրությամբ կատարել է շինարարական աշխատանքներ:

Ռոբերտ Ղազարյանի էլեկտրոնային հասցեին 2023 թվականի նոյեմբերի 30-ին Վարչական իրավախախտման վերաբերյալ արձանագրություն կազմելու մասին ծանուցում է ուղարկվել, սակայն չի ներկայացել արձանագրության ստորագրմանը և 2023 թվականի դեկտեմբերի 3-ին էլեկտրոնային փոստի միջոցով ուղարկվել է բացատրություն, որ ինքը գտնվում է Գերմանիայի Դաշնությունում:

ՀՀ բնապահպանության և ընդերքի տեսչական մարմնի Գեղարքունիքի տարածքային բաժնի աշխատակցի կողմից 2023 թվականի դեկտեմբերի 4-ին կատարվածի վերաբերյալ կազմվել է վարչական իրավախախտման N Գ/01-164 արձանագրությունը:

Ռոբերտ Ղազարյանը իր գործողություններով խախտել է «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 12-րդ հոդվածի 6-րդ մասի պահանջը, որի համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 94.1-րդ հոդվածի 1-ին մասով:

Ռոբերտ Ղազարյանի էլեկտրոնային հասցեին 2024 թվականի հունվարի 18-ին Վարչական իրավախախտման վերաբերյալ գործի քննության տեղի և ժամանակի մասին ծանուցում է ուղարկվել, սակայն չի ներկայացել գործի քննությանը և չի միջնորդել այն հետաձգելու համար:

Ռոբերտ Ղազարյանին վարչական իրավախախտման վերաբերյալ գործի քննության տեղի և ժամանակի մասին պատշաճ ծանուցում է ուղարկվել նաև «Ազդարար» (azdarar.am) ինտերնետով ծանուցման պաշտոնական կայքի միջոցով:

Հաշվի առնելով Օրենսգրքի 279-րդ հոդվածով սահմանված իրավակարգավորումը՝ վարչական իրավախախտման վերաբերյալ գործը քննելիս պարզվել է, որ առկա չեն Օրենսգրքի 33-րդ և 34-րդ հոդվածներով սահմանված մեղմացնող և ծանրացնող հանգամանքները:

Ելնելով վերոգրյալից և ղեկավարվելով Վարչական իրավախախտումների վերաբերյալ Հայաստանի Հանրապետության օրենսգրքի 94.1-րդ հոդվածի 1-ին մասով, 242-րդ, 251-րդ հոդվածներով և 282-րդ հոդվածի 1-ին մասով՝


Ո Ր Ո Շ Ե Ց Ի՝

1. ՀՀ քաղաք Երևան, Արամ Խաչատրյան փողոցի 32 շենքի 21 բնակարանի բնակիչ Ռոբերտ Համբարձումի Ղազարյանի նկատմամբ կիրառել վարչական պատասխանատվության միջոց՝ տուգանք՝ սահմանված նվազագույն աշխատավարձի երկու հազար հինգհարյուրապատիկի չափով՝ 2.500.000 (երկու միլիոն հինգ հարյուր հազար) ՀՀ դրամ:
/վճարումը՝ 900005024063 հաշվեհամարին/
2. Սույն որոշումն ուժի մեջ է մտնում Ռոբերտ Ղազարյանին հանձնելու (հանձնված համարվելու) օրվան հաջորդող օրը, կարող է գանգատարկվել /բողոքարկել/ վարչական կարգով տեսչական մարմնի ղեկավարին՝ հանձնված համարվելու

օրվանից 30-օրվա ընթացքում կամ դատական կարգով՝ ուժի մեջ մտնելու պահից՝ երկամսյա ժամկետում:

3. Որոշման օրինական ուժի մեջ մտնելու պահից երկամսյա ժամկետում չբողոքարկվելու դեպքում այն դառնում է անբողոքարկելի և ենթակա է հարկադիր կատարման:

ԳԵՂԱՐՔՈՒՆԻՔԻ ՏԱՐԱԾՔԱՅԻՆ ԲԱԺԻՆ ԴԵՍ



Ա.ՂՈՒԿԱՍՅԱՆ